


QUONIAM duae praecedentes figurae cordis ac pulmonis situm abunde indicant, praesentem figuram (uti & subsequentes universas) tanquam e thoracis cavitate euulsam delineamus, ne si singulis figuris truncum corporis appinxissemus, negotium frustra operosius redderetur. Tertia itaque figura cor suo uestitum inuolucro continet una cum pulmone & septi transversae portione, cui in hominibus magna amplitudine cordis inuolucrum connascitur.

- A. Hic uenae cauae portione sursum conscendentem & magnam arteriam praescidimus, tantae aforum cordis asseruata portione, quanta cordis inuolucro obducitur, aut a qua id inuolucrum potius initium ducit. Vbi enim hic B ascripti, illic inuolucrum pertinacissime cauae uenae & magnae arteriae & uenae arteriali adnascitur, ab illis uasis non secus quam a corde, toto illo inter uallo abscedens, quod a B ad C metitur. C enim cordis basis sedem regionem ue indicat.  
D, E, F Cordis inuolucrum anterior sedes, cordis figuram nuci pineae non admodum ab similem referens. D enim & E basin notant, F uero mucronem.  
G Ab F ad G sedes insignitur, qua cordis inuolucrum septo transverso in hominibus secus multo quam in canibus adnascitur. Caterum uenula hic in cordis inuolucro conspicua, non cordis, at ipsius inuolucrum sunt, id namque in hominibus tam crassum ualidumque uisitur, ut cordis color per illud uix transpareat.  
H Septi transversae pars.  
I Septi transversae nerui.  
L, M, N, O Pulmo, at singuli characteres singulas humani pulmonis insinuant fibras, lobos ue.

QUARTA SEXTI LIBRI FIGURA.




QUARTAE FIGURAE, EIVSDEMQUE CHARA-  
cterum Index.

HAEC figura cordis inuolucrum diuisum gerit, ipsumque cor et cordis uasa anteriori sede ab inuolucro deteximus, corde interim immoto.  
A Sedes, qua cordis inuolucrum cordis uasis supra ipsius basin continuatur.

Cor.

- B, B Cordis inuolucrum ab anteriori cordis sede in latera reflexum.  
C, D, E Cordis anterior sedes, ac C quidem & D ipsius indicat.  
F Vena caua.  
G Arterialis uena.  
H Magna arteria. Venalis autem arteria nisi corde in dextera reflexo, nulla ex parte conspici potest.  
I Dextra cordis auricula.  
K Sinistrae cordis auriculae apex.  
L, L Vena sunt ac arteriae a cordis basin cingentibus uasis pro sede, adeoque sinistro ipsius latere antorsum reductae.  
M, N, O, P Pulmonis indicantur fibrae lobis ue.  
Q Septi transversae pars.

QUINTA SEXTI  
FIGURA.



QUINTAE FIGURAE, ET IPSIUS  
racterum Index.

PRAESENS figura una cum pulmonibus cor, utroque penitus liberum: ac in sinistrum latus in hoc reflexum, ut utroque oculis subijceretur.

- A Cordis dextrum latus, magnaque ipsius posterioris sedis regio.  
B Dextra cordis auricula.  
C Vena caua, qua in cor dehiscit, aut ab ipso pronascitur.  
D Vena cauae portio, septum transversum permeans.  
E Septi transversae pars.  
F Vena cauae portio iugulum petens.  
G Vena pari carentis initium.  
H Arteriae magnae radix.  
I Arteriae magna truncus, qui deorsum ad spinam explicatur.  
K Portio est nerui sinistri, sexti paris neruorum cerebri, a qua neruulum de promi ostendit.  
L, M, N, O Pulmonis notantur fibrae.  
P Vasorum pulmonem aduentum hic aliqua series conspicitur.